

МОЛИТВЫ СЯТОЙ БЛАЖЕННОЙ МАТРОНЕ МОСКОВСКОЙ

Молитва 1-я святой Матроне Московской

О блаже́нная ма́ти Матро́но, услы́ши и приими́ ны́не на́с, гре́шных, моля́щихся тебе́, навѣ́кшая во все́м жити́и твое́м приима́ти и выслу́шивати все́х стра́ждущих и скорбя́щих, с ве́рою и надеждою к твоему заступле́нию и помощи прибегающих, скорое поможение и чудесное исцеление всем подава́ющи; да не оскудеет и ны́не милосердие твое́ к на́м, недосто́йным, мяту́щимся в многосу́етнем ми́ре се́м и нигде́же обрета́ющим утеше́ния и сострада́ния в скорбе́х душе́вных и по́мощи в боле́знях теле́сных: исцели́ боле́зни на́ша, изба́ви от искуше́ний и мучи́тельства диа́вола, стра́стно вою́ющаго, помози́ донести́ жите́йский сво́й Кре́ст, снести́ вся́ тя́готы жития́ и не потеря́ти в нем о́браз Бо́жий, ве́ру правосла́вную до́ конца́ дне́й на́ших сохра́нити, упова́ние и наде́жду на Бо́га кре́пкую име́ти и нелицеме́рную любо́вь к бли́жним; помози́ на́м по отше́ствии из жития́ сего́ дости́гнути Ца́рствия Небе́снаго со́ все́ми угоди́вшими Бо́гу, прославля́юще милосе́рдие и бла́гость Отца́ Небе́снаго, в Тро́ице сла́вимаго, Отца́ и Сы́на и Свята́го Ду́ха, во́ ве́ки веко́в. Ами́нь.

Молитва 2-я святой Матроне Московской

О, блаженная ма́ти Матро́но, душе́ю на небеси́ пред Престо́лом Божиим предстоя́ши, телом же на земли́ почива́ющи, и данною ти свыше благода́тию различны́е чудеса́ источа́ющи. При́зри ны́не ми́лостивным твои́м о́ком на ны́ (имена), гре́шныя, в ско́рбех, боле́знях и грехо́вных искуше́ниях дни своя́ иждива́ющия, уте́ши ны, отча́янныя, исцели́ недуги́ наши лю́тыя, от Бо́га нам по грехом на́шим попуща́емая, изба́ви нас от многих бед и обстоя́ний, умоли́ Го́спода на́шего Иису́са Христа прости́ти нам вся на́ша согреше́ния, беззако́ния и грехопале́ния, и́мже мы от юности на́шей да́же до настоя́щаго дне́ и ча́са согреши́хом, да твои́ми моли́твами получи́вше благода́ть и ве́лию ми́лость, просла́вим в Тро́ице Еди́ного Бо́га, Отца́ и Сы́на, и Свята́го Ду́ха, ны́не и при́сно и во ве́ки веко́в. Ами́нь.

Иконы